

Marso 30, 2022
2022-09

Kautusang Tagapagpaganap

**PAG-AMYENDA SA KAUTUSANG TAGAPAGPAGANAP 21 (2021)
PARA LABANAN ANG KAWALAN NG TIRAHAN SA ILLINOIS**

SAPAGKAT, itinatag ng Kautusang Tagapagpaganap 2021-21 ang Interagency Task Force on Homelessness (“Task Force”), ang Community Advisory Council on Homelessness (“Advisory Council”), at ang Homelessness Chief ng Estado (“Chief”); at,

SAPAGKAT, ang krisis sa COVID-19 ay lumikha ng mga sunod-sunod na kawalang-tatag ng ekonomiya na nakaapekto sa mga taga-Illinois na lubhang apektado sa kawalang-seguridad sa pabahay; at,

SAPAGKAT, kinakailangan ng Illinois ang pagpapalakas ng mga pananggalang ng ating Estado upang ang kawalan ng tirahan ay maging isang karanasan na bihira, maikli, at hindi paulit-ulit; at,

SAPAGKAT, ang tagumpay sa pagpapalakas ng mga pananggalang ng ating Estado ay nangangailangan ng koordinasyon ng mga pagsisikap ng Estado upang ang mga taga-Illinois ay may access sa mga mapagkukunan na lubusang tumutugon sa kawalan ng tirahan; at,

SAPAGKAT, ang isang plano upang tugunan ang kawalan ng tirahan ay dapat ding isaalang-alang na ang mga tumatakas sa mga sitwasyon ng karahasan sa tahanan at ang mga biktima ng trafficking ay nakakatugon sa depinasyon ng U.S. Department of Housing and Urban Development sa kawalan ng tirahan;

SAMAKATWID, ako, si JB Pritzker, Gobernador ng Illinois, sa pamamagitan ng bisa ng ehekutibong awtoridad na ipinagkaloob sa akin ng Artikulo V ng Saligang Batas ng Estado ng Illinois, ay inaamyendahan ang Kautusang Tagapagpaganap 21 (2021) tulad ng mga sumusunod:

I. Mga Amyenda

- A. Homelessness Chief ng Estado: Ang Seksyon 3 ng Kautusang Tagapagpaganap 21 (2021) ay inamyendahan bilang mga sumusunod:

Ang isang Homelessness Chief ng Estado (“Chief”) ay itinatag, na mailalagay sa Kagawaran ng Serbisyong Pantao ng Illinois (“IDHS”, ayon sa akronim nito sa Ingles) at para magreport sa Kalihim ng IDHS. Ang Tanggapan ng Illinois para Pigilan at Wakasan ang Kawalan ng Tirahan (“Tanggapan”) ay nilikha para mapadali ang pagpapatupad ng isang estratehikong plano at ng

mga inisyatiba. Pamumunuan ng Chief ang Tanggapan at ang Tanggapan ay ilalagay sa IDHS. Ang Chief ay pamumunuan ang Task Force, kapwang pamumunuan ang Community Advisory Council, at pangungunahan ang komprehensibong pagsisikap ng Estado upang mabawasan ang kawalan ng tirahan at hindi kinakailangang institusyonalisasyon sa Illinois, mapabuti ang mga resulta ng serbisyong pangkalusugan at pantao para sa mga taong nakararanas ng kawalan ng tirahan, at palakasin ang mga pananggalang na nag-aambag sa katatagan ng pabahay. Ang Chief ay magsisilbing tagagawa ng patakaran at tagapagsalita sa pagsugpo ng kawalan ng tirahan, kabilang ang pag-uugnay sa pagsisikap ng iba't ibang mga ahensya sa pamamagitan ng batas, panuntunan, at badyet at pakikipag-usap sa Illinois General Assembly, pederal at mga lokal na pinuno sa mga kritikal na isyung ito.

- B. Plano ng Estado: Ang Seksyon 4.a. ng Kautusang Tagapagpaganap 21 (2021) ay inamyendahan bilang mga sumusunod:

Magplano para at bumuo ng isang plano ng Estado, na maibibigay sa Gobernador at sa General Assembly sa Hunyo 1, 2022 ~~Marso 30, 2022~~, upang matugunan ang kawalan ng tirahan at hindi kinakailangang institusyonalisasyon na may mga layuning makamit ang functional zero na kawalan ng tirahan, pagpapabuti ng mga resulta ng mga serbisyong pangkalusugan at pantao para sa mga taong nakararanas ng kawalan ng tirahan, at pagpapalakas ng mga pananggalang na nag-aambag sa katatagan ng pabahay.

- C. Community Advisory Council: Ang Seksyon 7.a. ng Kautusang Tagapagpaganap 21 (2021) ay inamyendahan bilang mga sumusunod:

- a. Ang Community Advisory Council ay binubuo ng:
- i. Ang Chief ay magsisilbing co-chair kasama ang isa pang miyembro ng Community Advisory Council, mula sa mga itinalaga sa ibaba, na hihirangin ng Gobernador.
 - ii. Tatlong miyembro na may karanasan sa buhay ng kawalan ng tirahan at/o kawalang-seguridad sa pabahay, na maaaring kabilang, ngunit hindi limitado sa mga dating nakulong, mga beterano, at mga kabataan (16 hanggang 25 taong gulang). Ang mga naturang miyembro na hindi binayaran ng mga employer upang dumalo sa Community Advisory Council ay makakatanggap ng kompensasyon na \$100 bawat pagpupulong para sa bawat pagpupulong na dinaluhan at paghahanda para sa parehong pagpupulong.
 - iii. Isang miyembro na kumakatawan sa mga taong may kapansanan.
 - iv. Dalawang miyembro mula sa sektor ng pribadong pagpopondo sa pagkakawanggawa.
 - v. Isang miyembro na kumakatawan sa isang organisasyon ng adbokasiya sa kalusugan sa pag-uugali sa buong estado.
 - vi. Isang miyembro na kumakatawan sa isang organisasyon ng adbokasiya sa pabahay sa buong estado.
 - vii. Minimum na dalawang miyembro na kumakatawan sa lokal na Pagpapatuloy ng Pangangalaga.
 - viii. Minimum na tatlong miyembro na kumakatawan sa mga lokal na yunit ng pamahalaan (munisipal, lalawigan at/o bayan).
 - ix. Isang miyembro na kumakatawan sa komunidad ng karahasan sa tahanan.
 - x. Dalawang pangkalahatang miyembro, na maaari o hindi maaaring matugunan ang mga kuwalipikasyong hinihiling para sa iba pang mga hinirang.

II. Pangligtas na Sugnay

Wala sa Kautusang Tagapagpaganap na ito ang maaaring ipakahulugan upang salungatin ang anumang pederal at pang-Estadong batas o regulasyon. Wala sa Kautusang Tagapagpaganap na ito ang makakaapekto o makakapagpabago sa mga umiiral na kapangyarihang ayon sa batas ng alinmang ahensya ng Estado o maipakahulugan bilang muling pagtatalaga o muling pagsasaayos ng anumang ahensya ng Estado.

III. Mga Naunang Kautusang Tagapagpaganap

Ang Kautusang Tagapagpaganap na ito ay humahalili sa anumang salungat na probisyon ng anumang iba pang naunang Kautusang Tagapagpaganap.

IV. Sugnay na Naghihiwalay

Kung ang alinmang bahagi ng Kautusang Tagapagpaganap na ito ay napatunayang hindi wasto ng isang korte na may karampatang hurisdiksyon, ang mga natitirang probisyon ay mananatiling ganap na may bisa at epekto. Ang mga probisyon ng Kautusang Tagapagpaganap na ito ay maaaring ihiwalay.

V. Petsa ng Pagkabisa

Ang Kautusang Tagapagpaganap na ito ay magkakabisa kaagad sa oras na maihain ito sa Kalihim ng Estado.

JB Pritzker, Gobernador

Inisyu ng Gobernador: Marso 30, 2022
Inihain sa Kalihim ng Estado: Marso 30, 2022